



Diadomingo anochi den Douane Club durante participacion di e decision di jurado den e competencia pa e titulo di Prins Carnaval di Aruba, e presidente di e Comité Central di Carnaval, sr. Milo Croes, a hanja su mes basta preta ora cu mayoria di e publico presente no tabata di acuerdo cu e eleccion di Prins Mop (Cito Ridderstap) y Pancho Basora (Anthony Paesch), e candidatonan di Strand Hotel. Na momento cu e presidente tabata na palàbra, el a worde rondona pa e publico cu tabata protesta e decision di e jurado. E palabranan di sr. Croes y di e publico a mescla, loke a haci cu tabata difícil pa por a comprende loke e presidente kier a bisa. E cabez di Milo Croes (cu sombre haltu) por ser mira un poco na man drechi riba e foto.